

中華民國七年元月

阜陽縣志

長沙宋毓衡署檢

民國四年十有一月予由天長縣知事  
調任阜陽謁見今

督軍倪公問政何先除治水清鄉教育  
實業外曾及重修縣志事抵任後屢商  
學界諸人訂立採訪條例特以時局變  
遷著作之不可以苟率延兩載未有成  
書適省立第三師範學校校長余君幼  
泉欲重印舊潁州府志爲各學校鄉土  
歷史地理之用因改革後原板多缺補  
刻需款謀予籌之予因囑其先從縣志

阜陽縣志

首序

始遂遣師範生徒將府縣兩志原板分  
別檢查計縣志九百七十頁現存九百  
四十九頁缺二十一頁皆按照初印本  
補刻之並籌印若干部分散邦人君子  
俾得考獻徵文咸以窺全爲快庶幾復  
本書之舊卽以促新志之成是則區區  
之意也夫

民國七年二月十日阜陽縣知事長沙宋毓衡識

阜陽縣志卷首

凡例

列聖諭旨並現奉

綸綍通行直省非專及縣地其雖專及而非縣地永久所關概不敢錄以昭敬謹

列聖廟諱

至聖諱奉有恭代字面皆謹遵用注明惟

皇上御名雖奉文缺寫而書中應有處甚多心所難安敬將

阜陽縣志

卷首

凡例

本字空格排書御名二字於內依

國初人汪琬堯峯集例也

一阜陽之析壤由舊而置縣始自

國朝茲恭載請改緣由於首而表列歷代沿革攷定與前志異者皆著其說匪特以別從前州志亦見因時制宜

盛世之鴻謨遠矣

一輿地建置食貨風俗學校秩官選舉人物列女藝文各門雖有增損多仍前目惟易軍衛為武備宦績為官業志餘為雜志意取括載該詳體例允

非徒好爲更易也

一繪圖用開方法爲一全圖分四鄉爲四圖水道溝  
洫亦各爲全圖分圖列首卷皆以道里核算遠近  
較前志圖頗覺精核覽者當能辨之

一前志引證書籍訛誤者正之缺畧者補之皆卽所  
據以爲之說稽核期求一是匪欲誇詡據爭後  
息之勝也

一舊志於山水古蹟建置學校皆附載詩文而仍有  
藝文之志是自亂其例也茲悉取列一門以歸畫

阜陽縣志

卷首

凡例

二

一沿革秩官選舉旣以比次列載則用表爲宜且省  
府志亦皆用之是可依據矣若以邑志不敢用表  
則固未聞其例

一宦業人物兩門內有勝代殞身國難乾隆四十  
一年

欽定殉節錄時賜有專謚通謚俱恭載本人傳右以見

聖朝扶翼名教之功遠過千古而諸公忠魂毅魄雖艱  
於一時亦卒伸於萬世也

一宦業人物各門內爲立傳者咸以蓋棺爲定採選  
藝文亦同此例蓋立德立功立言古人所謂不朽

原非及身且可杜濫冒之誚

一舊志人物比例云不標目而中又有循吏迄仙釋等十條是自相矛盾也茲以往績季友忠節文苑義行隱逸方技附方外寓賢爲子目總括之曰人物志庶覽者瞭然而體例亦備

一列女凡前志所有均謹載之唯改以夫名貫首以遂其從一之義近日採訪者則遵道光四年部議准旌新例以定去取不敢少存刻覈亦不故示寬容漫無區別

一藝文惟取有關縣地雖歐蘇曾王諸大家文不合

阜陽縣志

卷首

凡例

三

者咸去之至近數十年諸人之作亦以此爲取舍庶免濫列之弊

一雜志以紀聞襍祥據史三條爲目分隸列載增入較前爲衆但亦務求精核不徒以多爲貴也

一是書有與前志不同之處咸有說附見本條下一字左端否卽於總敘內申其意不另爲補遺訂譌之目者期體例歸簡易耳

一今時准旌節季皆已依新例敘載但採訪內有實在苦節而年分未符及開寫稍有舛錯者窮簷茶蓼之苦未忍遂聽湮沒故倣頌上縣志例爲備采

錄一卷資異日修志者攷焉

一是書經始於道光五年成於道光八年主修者官經數易歲事因之較遲但居此一日則與一日之責卷端數任並刻則非體遺漏又懼失實故每卷之首惟書現任歲事銜名而歷任列序首卷修志姓氏內意取體例符合覽者鑒之

阜陽縣志卷首總目

卷首

諸圖

卷一

輿地志一

沿革表

道里

分野

卷二

輿地志二

阜陽縣志卷首

目錄

山

水

古蹟

卷三

建置志

城池

諸鄉

祀地

官廨

羣所

津梁

驛舖

寺觀

墳墓

卷四

食貨志

田賦

積貯

蠲賑

物產

阜陽縣志

卷首

目錄

卷五

風俗志

四民

禮節

歲時

卷六

學校志

廟祀

學額

書籍

學田

書院

義學

卷七

武備志

營額

俸餉

器械

操演

馬政

阜陽縣志

卷首

目錄

三

卷八

秩官志

封爵世表

歷代秩官表

明文秩年表

明武秩世表

國朝文秩年表

國朝武秩姓氏表

卷九

選舉志

薦辟表

文武進士科表

文武舉人科表

諸貢年表

雜進仕宦表

封廕表

卷十

宦業志 無子目

卷十一

人物志一

阜陽縣志 卷首 目錄

四

仕績

孝友

卷十二

人物志二

忠節

文苑

卷十三

人物志三

義行

隱逸

方技

仙釋

寓賢附

卷十四

列女志一

季婦

節婦已姓

卷十五

列女志二

節婦未姓

阜陽縣志 卷首

目錄

五

卷十六

列女志三

烈婦

貞女

烈女

卷十七

藝文志一

奏議

賦

啟

書

卷十八

藝文志二

引

跋

攷

辯

銘

傳

碑文

阜陽縣志

卷首

目錄

六

卷十九

藝文志三

記

卷二十

藝文志四

序

卷二十一

藝文志五

詩上

卷二十二

藝文志六

詩下

卷二十三

雜志一

機祥

披史

卷二十四

雜志二

紀聞

備采錄附

阜陽縣志

卷首

目錄

七

原序

景蒙爲頴志旣訂定目錄矣乃指示同志倣諸遷固據諸史傳而參諸舊志焉時則有庠生趙富輩爲之采摭有掌教胡君袞爲之編次有司訓韋君孚鄭君堂爲之校讐景蒙然後乃敢因而折衷焉又各爲序於右爲論於左而胡君聞亦著論於後乃加某日二字以別之其爲紀一表五志八傳十有二通二十卷所謂紀者述唐虞以來三千八百九十四年之事其間天人之際固有小變中變大變之殊斯三變者卽太史公三統大備之意乃一郡之大綱也大綱所載無非郡縣之事郡縣有

阜陽縣志

卷首

原序

一

沿革有疆域有封爵有職官與人物茲欲顯微闡幽苟不系而表之則年次何由而攷故史雖失編年之法而今之表則尙存編年遺意也是故諸表觀乎郡縣疆域而百世之因革封守可攷也觀乎封爵而一郡之大勢可攷也觀乎職官而一時用人之得失可攷也觀乎人物而歷代人物之優劣可攷也志首輿地志地里也班固以十二次配十二野其古人按星分野而畫野分州者乎古之民風係於水土之風氣而其俗又係於爲政者之好尚焉故志地里而分野風俗在其中矣建置志其城池郡縣治與大小署制也建置爲國家之制故次

之食貨志其版籍田制與物產也而食貨爲國家之本故又次之溝洫志水也水利不興則財用無由而足故溝洫又次之民富而後教之故次之以禮樂周子曰禮理也樂和也陰陽理而後和君君臣臣父父子子兄弟弟弟夫夫婦婦萬物各得其理而後和夫物至各得其理禮斯著矣而至於和樂由生矣此禮樂自然之本也若夫玉帛交錯鐘鼓鏗鏘者特爲禮樂之文與夫二禮所記諸史所志者又皆器數之末耳昔顏子問爲邦而夫子兼取四代禮樂爲教蓋斯二者誠爲爲治所先爲作志所本也學校禮官也所以成教化者在是故次之

阜陽縣志

卷首

原序

二

以學校古於教化乃以兵制輔之故志以兵衛終焉其中不志藝文者以後世文浮於實垂之不遠不敢與經史並列也不志刑法者以唐虞兵刑之官合而爲一故以之附於兵衛也其列傳曰命使曰過賓曰名將曰死事者觀忠也曰名宦報功也曰鄉賢報德也曰孝義曰貞烈崇節也曰遺逸尙志也曰僑寓尊賢也凡此皆聖王制禮法修教化三綱正九疇敘百姓太和萬物咸若之效也其曰方技闕異也曰外傳誅亂也此卽所謂後世禮法不修下民困苦代變新聲妖淫愁怨導欲增悲故有賊君棄父輕生敗倫不可禁者也夫世有亂臣而

後有忠臣出此天理之在人心不待禮法教化而興者  
又不可以常理論也其末有曰不復古禮不變今樂而  
欲至治者遠矣噫周子禮樂之論真有功於聖門有關  
於聖教而爲爲治之所先乎故作志者亦本之然昔人  
謂爲史傳易爲志難知乎此則志誠難而傳亦不易也  
嘉靖十五年丙申夏五月戊寅象郡呂景蒙序

原序

潁無名山大川而龍淵齒劍鍾萃不凡毋亦汝潁延潤之沃衍鄴邱西湖之鬱積歟然一潁也昔何曠夸質直靡乎天地中氣也今何習狙攻譎天地之中氣銷鑠無餘御名獨教化不行綱紀凌遲哉文獻不足鑒戒無憑使人佞佞然易面而不知所之則郡乘之係非細事也舊志成化間同知廬陵劉公節編集蒐羅校讐核而詳質而不俚良史才也久而湮廢鮮有藏者嘉靖初州倅象郡呂公景蒙取劉公原本稍加訂正續以新編議論正大褒貶不戾雖多援古典迂滯而無當於潁然簡確嚴

阜陽縣志

卷首

原序

四

密猶爲實錄嘉靖中郡大夫莆田李公宜春增修多出山人墨客之手實損而繁滋意欹而詞蕪大失呂公之舊行之不遠殘缺無遺矣今所存獨呂板在歲逾五紀增修闕如識者不任日落月稀之感時郡中議重纂述屬之儀曹甯爾強氏比部徐元禮氏與不佞兄弟及郡塾二三士共成之不佞伏枕經年淹兩臘而後脫藁綱目義例大都如劉呂間採輿論稍爲增飾雖寡陋無文然師心戾古鑿空而爲之不敢也於吾潁曠夸質直之氣竊謂不無少補云茲舉也郡大夫晉江迷庵林公倡其議至終其事以奏績者則郡大夫扶風厚吾孫公之